

OWUKU YESU SU ?

Yesu mwan'Efile-Mukulu, bafikile kwi bantu bwa kwibakitshiina bioso bi buwa bilombane, bafumankeene na kupediibwa, mushikwa, mpaa na kubambiibwa ku nkulusu kwi bantu. Anka basaangukile ku lufu, e na muwa, aye akimbi bwa kutwela mu kwipusheena na oso a kwatudi.

Bantu ba ano eetu mafuku abeyaluula kwadi, anka bu bantu ba bingi bipungilo bioso bia mafuku abaadi wiini Yesu kuno ku nsenga.

Ngi pa mwanda kini mwikeelo wa ino nsenga ta ngwa kukulupila, bu binangu bia ino nsenga na bipatulukilo biayo bioso, na biwukilo biayo bioso, na ntungunukilo yoso ya bu muntu, na bukome boso bwa binangu bia kuwuuka kwa bu muntu tambilombeene biakita kintu ku bubi bwa bikitshiino bupwe kuteyibwa kwi bantu na abikunkushwa mu kutuutshika, kwisangasha, buntoomboshi, butete boso nnabio bikwete kukunkusha bantu.

Abikebafikisha kuni ? ku kiimu bu abiakula Eyidi'Efile-Mukulu (Hebelu kipendi 9 kishingatshilo 27). Anka'dio dimune aditulungula dimo'shi « Efile-Mukulu tamutume mwan'Aye pa nsenga ku mwanda wakutshibila ba ku nsenga kiimu, anka bwa'shi beena nsenga beekale bapashiibwe kwadi. Yawa akumiina kwadi takatshibilwa kiimu... » (Mukandu-wi buwa wa Yoano 3. 17, 18).

ESHINA DIA YESU

Eshina dia Yesu adipatuula'shi : Efile-Mukulu Mupaashi. Bantu boso kushii kwilekena be na lukalo lwa kwikala bapashiibwe, mwanda nyi basha milwisho balombeene kwilamunusheena kwa ikala-ika n'Efile-Mukulu. Anka Efile-Mukulu batumine ku nsenga Mupaashi. Kwadi, bantu boso mbalombeene kwikala balekyelwe bubi, bafikishiibwe basha muloo, kubanga binobino mpaa na looso.

Basha ndangwilo be bungu bakwete kulambukisha pa mwanda wa kwikala biya, na kukita ndongamisho yabo yi buwa ya binangu, anka tambalombeene kukwasha bantu ku bushito bwa bilema biabo, sunga kwibafungusha ku bukome bwa mulwisho. Biobino namu, sunga bantu abemona bu'bo be buwa, sunga basha binangu na biwukilo, sungwa abakita mianda ya bipaso bia mufito tambalombeene kukwasha bantu.

Yesu talambukisha bantu kipaso kiabadia kwifungusha abo banabene nya. Nabene afungusha ku bubi na ku kiimu na ku kuponeshiibwa kwi boso abelanga na kukumiina mwadi :

« Kwi umune e pakantshi p'Efile-Muluku na bantu, muntu Kidishitu Yesu, baadi mwilambule nabene bu mulambu ku mwanda wa boso » (1 Timotee 2. 5, 6).

« Kwishina diaye, yawa oso akumiina mwadi atambula kulekyelwa kwa milwisho » (Bikitshiino 10.43).

MUFUBO WA YESU

Bafikile ku kifulo bwa kwikwasheena na kipangwa kiaye akikyengie, Mfumwetu Yesu baadi mafuku oso kuno ku nsenga alu ngoshi, aye e Selele na mupwidikye, baadi mumweshiibwe na bipeta bioso bia mulwisho, baadi muntu a mitanyo.

Anka bunu buwa bukata, tabubaadia kulumbuula mwikeelo wetu uponeshiibwe nya, na kushimisha kukatusha kibafikiishe malwa etu, kukaasha kulwisha kwetu. Nyi pa mwanda kini, pa kwenda kula na mufubo waye wa kifulo, Yesu batwele bubi bwetu bunabene, kushii anka peenda bipeta bia bubi bwetu. «A Ikala-Ika baponeeshe paadi bilubilo bietu'twe boso » (Esaya 53. 6).

Ku nkulusu baadi mutuushe muwa we wi selele bwa miuwa yetu itshibilwe kiimu, baadi mutwale milwisho yetu anka bu yaaye. Baadi « mukitshiibwe mulwisho bwetu » (2 Kodinda 5. 21).

«Aye nabene baadi mutwale milwisho yetu mu mbidi yaye ku mutshi » (1 Mpiele 2. 24).

Nyi pa mwanda kini Mfumwetu Yesu apa binobino kufungushiibwa kulombane. Baadi mwikupete ku muulo wa kitapilo kiaye ku nkulusu. Atwikupele su ? -

KUPA KWA YESU

Beena nsenga abatungunuka na kulonda eshinda diabo anka bu Yesu shi kwanka, anka bu'shi kusaanguka kwaye, bufumu bwaye, kwaluka kwaye kwa dia kabidi, bi bu bintu bia mpwandjikishi.

Muntu oso e bulungantu bwa kwikala na mitentekiesho yaye, bu abiakula bangi mu ano mafuku, bi kwikalu pangi anka biabia na dingi nyi mpa uno mwanda patushimika kasele na kukonkwela bantu'shi, ta bibuwa kwikala nka mafuku oso bu muntu shakumiina nya. Aee bwa boso abakyebe kushaala anka biabia aku namu buuntu Bw'Efile-Mukulu mbupwe kwibapeebwa, abikekala nsaa ikile pabakanangushena bwa buno buwa bwibapeebwe.

Takukeekala dingi bantu bashii bakumiine apakeemana Yesu Kidishitu, mutudiibwe na matalwa a bu nsushi Mukata nya. Takukeekala dingi bantu bashii bakumiine apakamumona « Eyiso dioso », na pabakatuunga bantu boso ba pa nsenga'shi balubule bioso pa mwanda wa kupeesha kwabo kw'Efile-Mukulu. Takukeekala bantu bashii bakumiine apakasangulwa bafwe bwa kwimana kumpala kwa kitshibilo kia kiimu pabakemana boso kumpala kwa lupuna-nsulu lwa mu Kibafumbwilwe kip. 20. Takukeekala dingi bashii bakumiine mu mbalo ya bafwe... Anka akukeekala mu yaya mbalo yi moo, kwinyongola kwa losoo pa mwanda wa kupela buuntu bw'Efile-Mukulu ! Binyi-binyi buuntu naabo buno bwinupeeshe lelo uno. « Talayi, lelo nyi

kipindji kilongame; Talayi, binobino ngi efuku dia kipandjilo » (2 Kodinda 6. 2).

Anukumiina namu kushinguula bi bungu mu MUKANDA W'EFILE MUKULU (BIBLE) na mu Mukandu wa'ye wi buuwa su ? Nutekye tukanda twetu twa kubadika mu adresse eetu, sunga kwi bakwetu BENA KIDISHITU be peepi n'enu mu bibundji biatudi baleeshe kuno kuushi :

BA FRERES BENA KIDISHITU :

MBUJIMAYI: Bd L.D KABILA N° 61, Q. DIPA, COMM/DIULU (Tshikila Njinji)

LUBAO : Q.Révolution, Avenue Twendelee

KABINDA : Q. Congo I, Avenue Lumumba

MASANKA - MINGALA - MPEMBA NDALA

KAMAANA – MPENGYE

Éditeur:

BPC - La Bonne Semence

France

Réf : SV009KE

Connaissez-vous Jésus?

(Kisongye - Congo RDC)

